



দায়িত্বশীল খরীষ্টিয়ান







দায়িত্বশীল খ্রীষ্টিয়ান

The Responsible Christian

খ্রীষ্টিয় ধনাধ্যক্ষতা সম্পর্কে শিক্ষা

লেখক :

রেভাঃ জোস্, আর, সিলভা ডেলগেডো

অনুবাদক : ফ্রান্সিস এস, ব্রু

সংশোধন : রেভাঃ দানিয়েল মুন্সী

ইন্টারন্যাশনাল করস্পণ্ডেন্স ইন্সটিটিউট

৪০১/১ নিউ ইক্সাটন, ঢাকা

বাংলাদেশ ।

প্রকাশনায় :

ইন্টারন্যাশনাল করস্পন্ডেন্স ইন্সটিটিউট

৪০৯/১ নিউ ইঙ্কাটন রোড, ঢাকা-২

বাংলাদেশ ।

সর্বস্বত্ত্ব সংরক্ষিত

ছাপা ১০০০ কপি

১৯৮৪ ইং

*1984 All Rights Reserved
International Correspondence Institute
Brussels, Belgium
D/1984/2145/147.

মুদ্রণে :-

এ্যাসেমব্লী প্রেস

৪০৯/১ নিউ ইঙ্কাটন রোড,

ঢাকা-২, বাংলাদেশ ।

CS 1311-BN

সূচী পত্র

কোস'র ভূমিকা : ৫

প্রথম খণ্ড : বাইবেলে খ্রীষ্টিয় ধনাধ্যক্ষতা

পাঠ :

১ম পাঠ : ঈশ্বর সবকিছুর মালিক ১৪

২য় পাঠ : ঈশ্বরের ধনাধ্যক্ষ মানুষ ৪০

দ্বিতীয় খণ্ড : খ্রীষ্টিয় ধনাধ্যক্ষতা ও আমরা

৩য় পাঠ : নিজেকে সুসংগঠিত করা ৬৬

৪র্থ পাঠ : ব্যক্তিত্বের উন্নতিসাধন করা ৯৪

৫ম পাঠ : শরীরের যত্ন নেওয়া ১২০

৬ষ্ঠ পাঠ : বিষয় আসন্নের সদ্ধব্যহার করা ১৪০

তৃতীয় খণ্ড : খ্রীষ্টিয় ধনাধ্যক্ষতা ও আমাদের দায়িত্ব

৭ম পাঠ : আমাদের অর্থ-সম্পদ ১৭২

৮ম পাঠ : আমাদের পরিবার ২০০

৯ম পাঠ : আমাদের মণ্ডলী ২২৮

১০ম পাঠ : আমাদের সমাজ ২৬০

পরিভাষা : ২৭৩

উত্তর মালা : ১৭৭

ইন্টারন্যাশনাল করস্পাণ্ডেস ইন্স্টিটিউট

খ্রীষ্টিয় পরিচর্যা পাঠ্যসূচী :

এই বইটি ইন্টারন্যাশনাল করস্পাণ্ডেস ইন্স্টিটিউটের খ্রীষ্টিয় পরিচর্যা পাঠ্যসূচীর ১৮টি পাঠ্য বিষয়ের একটি। এই পাঠ্যসূচীকে তিনটি খণ্ডে ভাগ করা হয়েছে এবং প্রত্যেক খণ্ডে ছয়টি করে পাঠ্য বিষয় আছে। এইভাবে “দায়িত্বশীল খ্রীষ্টিয়ান”—খ্রীষ্টিয় পরিচর্যা কার্যক্রম বইটি তৃতীয় খণ্ডের প্রথম বিষয়।

খ্রীষ্টিয় পরিচর্যা কার্যসূচীর পাঠ্য বিষয়গুলি এমনভাবে লেখা যাতে খ্রীষ্টিয়ান কার্যকারীরা নিজেরাই সেগুলো পড়ে শিখতে পারেন। এই পাঠ্যসূচী পড়ে একজন ছাত্র যেমন বাইবেলের জ্ঞান লাভ করবেন তেমনি ব্যবহারিক জীবনে ও খ্রীষ্টিয় পরিচর্যা কাজে প্রয়োজনীয় দক্ষতা লাভ করতে পারবেন।

এছাড়াও একটি সুন্দর সার্টিফিকেট লাভের অনাবিল আনন্দ ও জ্ঞান লাভের অপূর্ব সুযোগও এগুলোতে পাবেন।

লক্ষ্য করুন :

এই পাঠ্যসূচীর ভূমিকা বা প্রাথমিক নির্দেশগুলো মনোযোগের সাথে পড়ুন। যে নির্দেশগুলো দেওয়া হয়েছে তা মেনে চললে সহজেই আপনি পাঠ্য বিষয়ের মূল লক্ষ্য পৌঁছতে পারবেন ও সহজেই ছাত্র রিপোর্ট তৈরী করতে পারবেন।

পাঠ্যসূচী সম্পর্কে সব চিঠিপত্র আপনার স্থানীয় ইন্স্টিটিউটের শিক্ষকের ঠিকানায় পাঠাবেন। যদি কোন স্থানীয় অফিস না থাকে, তাহলে দয়া করে নীচের ঠিকনায় লিখুন।

ইন্টারন্যাশনাল করস্পাণ্ডেস ইন্স্টিটিউট

৪০১/১ নিউ ইন্স্টিটিউট রোড

পোস্ট বক্স নং ৭০০

ঢাকা-২, বাংলাদেশ।

ভূমিকা

একজন বিশ্বস্ত ধনাধ্যক্ষ হন :

এখানে আপনি একটি গুরুত্বপূর্ণ বিষয়ে জানতে পারছেন যে কেমন করে আপনি ঈশ্বরের একজন বিশ্বস্ত ধনাধ্যক্ষ হতে পারেন।

এই পাঠ্য বিষয়টিকে তিনটি খণ্ডে ভাগ করা হয়েছে। প্রথম খণ্ডে মালিকানা ও ধনাধ্যক্ষতা সম্পর্কে শিখবেন ও বাইবেলে এ বিষয়ে কি আছে তাও জানতে পারবেন। এ খণ্ডে মোট দুটি পাঠ। পাঠ দুটোতে এ বিষয়ে বাইবেলের ব্যাখ্যা ও উপমা দেওয়া আছে। আর এগুলো থেকেই আপনি বুঝতে পারবেন আপনি কিভাবে ঈশ্বরের একজন বিশ্বস্ত ধনাধ্যক্ষ হতে পারেন।

দ্বিতীয় খণ্ডে, আপনার জীবন, ব্যক্তিত্ব, শরীর, সময় ও যোগ্যতা, এগুলোর সাথে খ্রীষ্টিয় ধনাধ্যক্ষতার সম্পর্ক দেখানো হয়েছে এবং এ বিষয়ে বাইবেলে কি আছে তাও বলা হয়েছে। লক্ষ্য করে দেখুন-ঈশ্বর আপনাকে কত সম্পদ দিয়েছেন। সে গুলো কিভাবে ব্যবহার করবেন। এ বইটি পড়ে তা আপনি পরিকারভাবে জানতে ও বুঝতে পারবেন। দ্বিতীয় খণ্ডের চারটি পার্ঠের মধ্য দিয়ে এগুলির বিষয়ে অনেক বাস্তব ধারণা ও নির্দেশ দেওয়া হয়েছে।

তৃতীয় খণ্ডে, আপনার বিষয়-সম্পত্তি, বাড়ী-ঘর, আপনার সমাজে একজন খ্রীষ্টিয় ধনাধ্যক্ষ হিসাবে আপনার কতখানি দায়িত্ব আছে তা জানতে পারবেন। এ খণ্ডের চারটি অধ্যায়ে দেখানো হয়েছে যে কিভাবে আপনার দায়িত্বগুলি পালন করবেন। এ বিষয়ে বাইবেলে কি আছে তাও আলোচনা করা হয়েছে।

পরিশেষে, এ আশাই পোষন করছি যে আপনার জীবন পরিচর্যা-কার্যে ঠিকমত ব্যবহার করতে এ বইটি যথেষ্ট সাহায্য করবে এবং একদিন ঈশ্বরের কাছ থেকে শুনতে পাবেন 'বেশ করেছ। তুমি ভাল ও বিশ্বস্ত দাস। তুমি অল্প বিষয়ে বিশ্বস্ত বলে আমি তোমাকে অনেক বিষয়ের ভার দেব। এসো, আমার আনন্দে যোগ দাও' (মথি ২৫ : ২৩)।

পাঠ্যবিষয়ের বিবরণ :

“দায়িত্বশীল খ্রীষ্টিয়ান”-খ্রীষ্টিয় ধনাধ্যক্ষতা সম্পর্কে শিক্ষা, বইটি হচ্ছে মূলত :- বাইবেল খ্রীষ্টিয় ধনাধ্যক্ষতা সম্পর্কে কি বলে তারই একটি বিবরণ। প্রভু হিসাবে ঈশ্বরের ও ধনাধ্যক্ষ হিসাবে মানুষের কাজগুলি কি কি? ঈশ্বর আমাদের প্রচুর ধন-সম্পদ দিয়েছেন। তিনি বিশ্বাস করেন যে আমরা সেগুলো ঠিকমত ব্যবহার করবো। সেগুলি ঠিকমত ব্যবহার করবার বিস্তারিত আলোচনা এ বইটিতে করা হয়েছে। তাছাড়া পরিবার, মণ্ডলী ও সমাজের সাথে আপনার কেমন সম্পর্ক থাকা উচিত তাও এখানে জানতে পারবেন।

পাঠ্যবিষয়ের লক্ষ্য :-

এই বইটি পড়ার পর আপনি :

- (১) খ্রীষ্টিয় ধনাধ্যক্ষতায় আপনার ও ঈশ্বরের ভূমিকা সম্পর্কে বুঝতে পারবেন।
- (২) খ্রীষ্টিয় ধনাধ্যক্ষ হিসাবে আপনার দায়িত্বগুলি বলতে পারবেন।
- (৩) একজন ধনাধ্যক্ষ হিসাবে কি কি উপায়ে আপনার দায়িত্ব-গুলি সুন্দরভাবে পালন করবেন তা লিখতে পারবেন।
- (৪) ঈশ্বরের উদ্দেশ্যে নিজেকে ও আপনার সমস্ত বিষয়-আসয় উৎসর্গ করবার প্রয়োজনীয়তা বুঝতে পারবেন এবং আপনার সমস্ত শক্তি ও সামর্থ-বাড়াতে পারবেন।

পাঠ্য বই :

বইটি লিখেছেন জোস্, আর, সিলভা ডেলগেডো। আপনি এটি পাঠ্যবই হিসাবে, আবার সাহায্যকারী বই হিসাবেও ব্যবহার করতে পারেন। এর সাথে পড়ার জন্য দরকার একখানি বাইবেল। নূতন অনুবাদ থেকেই বেশির ভাগ উদ্ধৃতি দেওয়া হয়েছে।

পড়ার সময় :

প্রতিটি পাঠ্য বুঝবার জন্য ঠিক কত সময় আপনার লাগবে, তা নির্ভর করবে পড়া শুরু করার আগে ঐ বিষয় সম্পর্কে আপনার জ্ঞান ও

পড়ার দক্ষতার উপর। তাছাড়া, নিজে নিজে পড়ে শিখবার কায়দা-
গুলোও আপনার জানতে হবে। তার উপর ও সময়ের পরিমাণ নির্ভর
করে। তাই এই বইয়ের আসল উদ্দেশ্য বুঝবার জন্য আপনি নিজেই
আপনার পড়বার সময়সূচী তৈরী করবেন যেন হাতে যথেষ্ট সময়
পেতে পারেন।

পাঠের খণ্ডগুলি :

পাঠগুলিকে তিনটি ভাগে ভাগ করা হয়েছে। যেমন :—

| খণ্ড | নাম | পাঠের সংখ্যা |
|------|--|--------------|
| ১ | বাইবেলে খ্রীষ্টিয় ধনাধ্যক্ষতা | ১-২ |
| ২ | খ্রীষ্টিয় ধনাধ্যক্ষতা ও আমরা | ৩-৬ |
| ৩ | খ্রীষ্টিয় ধনাধ্যক্ষতা ও আমাদের দায়িত্ব | ৭-১০ |

পাঠ কিভাবে সাজানো হয়েছে ও কিভাবে পড়তে হবে :

প্রতিটি পাঠে রয়েছে—(১) পাঠের নাম, (২) ভূমিকা, (৩) পাঠের
খসড়া, (৪) পাঠের লক্ষ্য, (৫) আপনার জন্য কিছু কাজ, (৬) মূল
শব্দাবলী, (৭) পাঠের বিস্তারিত বিবরণ (প্রশ্ন সহ), (৮) পরীক্ষা
(পাঠশেষে) ও (৯) উত্তরমালা।

প্রতিটি পাঠের খসড়া ও উদ্দেশ্যগুলো আপনাকে পাঠ্য বিষয়
সম্পর্কে মোটামুটি ধারণা দেবে ও সবচেয়ে প্রয়োজনীয় বিষয়গুলির উপর
আপনার নজর টেনে নেবে এবং কি শিখতে হবে তাও বলে দেবে।

পাঠের মধ্যকার অধিকাংশ প্রশ্নের উত্তর এ বইয়ের মধ্যে খালি
জায়গা গুলিতে লিখতে পারবেন। বড় উত্তরগুলো লিখতে হবে নোট
বইয়ে। নোট বইয়ে যখন এ উত্তরগুলো লিখবেন তখন পাঠের নম্বর
ও নাম লিখতে ভুল করবেন না তাতে রিপোর্ট তৈরীর সময় আপনার
সুবিধা হবে।

বইয়ের উত্তর আগে দেখবেন না। প্রথমে নিজের উত্তর লিখুন।
তারপর বইয়ের উত্তরের সাথে আপনার উত্তর মিলিয়ে দেখুন।
এইভাবে পড়লে বিষয়গুলি আরো ভালভাবে মনে রাখতে পারবেন।

ভুল উত্তরগুলি পরে সংশোধন করুন। উত্তরগুলি সংখ্যানুযায়ী পর পর দেওয়া হয়নি, যেন কোন প্রশ্নের উত্তর লিখবার আগেই ভুল করে সেই প্রশ্নের উত্তর দেখে না ফেলেন।

প্রশ্নগুলি খুবই প্রয়োজনীয়। এগুলি আপনাকে প্রতিটি পাঠের প্রধান বিষয়গুলি (বা শিক্ষাগুলি) মনে রাখতে এবং পাঠ থেকে যে শিক্ষা আপনি পেয়েছেন তা জীবনে খাটাতে সাহায্য করবে।

কিভাবে প্রশ্নাবলীর উত্তর লিখবেন :

এই বইয়ে বিভিন্ন ধরনের শিক্ষামূলক ও পরীক্ষামূলক প্রশ্ন দেওয়া হয়েছে। নীচে এদের কয়েকটি উদাহরণ এবং কিভাবে তাদের উত্তর লিখতে হবে তা দেখানো হয়েছে। অন্যান্য ধরনের প্রশ্নের জন্য সাহায্যকারী নির্দেশ দেওয়া হয়েছে।

কোন কোন প্রশ্নে, বিভিন্ন উত্তরগুলির মধ্য থেকে আপনাকে নির্ভুল উত্তরটি বেছে বের করতে হবে।

উদাহরণ :-

১। বাইবেলে মোট :

(ক) ১০০টি বই আছে।

(খ) ৬৬টি বই আছে।

(গ) ২৭টি বই আছে।

এখানে নির্ভুল উত্তর হচ্ছে (খ) ৬৬টি বই আছে) আপনার বইয়ে নীচে যেভাবে দেখানো হয়েছে সেই ভাবে (খ) এর পাশে দাগ দিন।

১। বাইবেলে মোট :

(ক) ১০০টি বই আছে।

✓ (খ) ৬৬টি বই আছে।

(গ) ২৭টি বই আছে।

(কোন কোন সময় এই ধরনের প্রশ্নে একটিরও বেশী নির্ভুল উত্তর থাকবে। সেক্ষেত্রে আপনাকে প্রতিটি নির্ভুল উত্তরের পাশে দাগ দিতে হবে।

কোন্ কোন্ প্রাশ্নে, বিভিন্ন উক্তিগুলির মধ্যে কোনটি সত্য, তা আপনাকে দেখাতে হবে।

উদাহরণ :

২। নীচের উক্তিগুলির মধ্যে কোনটি কোনটি সত্য ?

ক) বাইবেলে মোট ১২০টি বই আছে ?

✓খ) বাইবেলে বর্তমান কালের বিশ্বাসীদের জন্য বার্তা আছে।

গ) বাইবেলের সব লেখকরাই হিব্রু ভাষায় তাদের বিবরণ লিখেছিলেন।

✓ঘ) পবিত্র আত্মা বাইবেলের লেখকদের অনুপ্রাণিত করেছিলেন।

উক্তিগুলির মধ্যে খ ও ঘ সত্য। তাই উপরের মত আপনাকে খ ও ঘ এর পাশে (✓) টিক্ চিহ্ন দিতে হবে। আরও কতগুলি প্রশ্ন থাকবে যেগুলিতে, কোন্ কোন্ বিষয়ের মধ্যে মিল আছে তা আপনাকে দেখাতে হবে। যেমন কোন ব্যক্তির নামের সাথে তার বর্ণনার, অথবা বাইবেলের বইগুলির সাথে তাদের লেখকদের, ইত্যাদি।

উদাহরণ :

৩। ডান পাশে ব্যক্তিদের নাম এবং বা পাশে তাদের কয়েকটি কাজ বর্ণনা করা হয়েছে, কোন্ ব্যক্তি কোন্ কাজ করেছিলেন তা দেখান। (এখানে ব্যক্তির নামের সংখ্যাটি নিম্নে সঠিক বর্ণনার পাশের খালি জায়গায় বসাতে হবে)।

.....১ ক) সীনয় পর্বতে ঈশ্বরের দেওয়া আইন (১) মোশি।
কানুন বা ব্যবস্থা পেয়েছিলেন। (২) যিহোশূয়।

.....২ খ) ইস্রায়েলকে নিয়ে যর্দন পার হয়েছিলেন।

.....২ গ) যিরিহোর চার পাশে ঘুরেছিলেন।

.....১ ঘ) ফরৌনের রাজ প্রাসাদে বাস করেছিলেন।

ক ও ঘ এর বর্ণনা মোশির সম্পর্কে এবং খ ও গ এর বর্ণনা যিহোশূয়ের সম্পর্কে। তাই উপরের মত আপনাকে ক ও ঘ এর পাশে ১ এবং খ ও গ এর পাশে ২ লিখতে হবে।

পড়বার বিভিন্ন উপায় :

আপনি যদি নিজে নিজে এই বিষয়টি পড়তে চান তাহলে ডাক যোগে আপনার সমস্ত কাজ করতে পারেন। পাঠ্য বিষয়টি এমন ভাবে তৈরী করা হয়েছে যেন নিজে তা পড়ে শিখতে পারেন। তবুও ক্লাশে যোগ দিয়ে বা অনেকে মিলে দলগত ভাবেও পড়তে পারেন। যদি এইভাবে পড়েন তবে আপনার শিক্ষক এই বইয়ের শিক্ষা ছাড়াও অতিরিক্ত আরো কিছু কিছু বিষয় শিক্ষা দিতে পারবেন, যেগুলি অবশ্যই আপনাকে মনে চলতে হবে।

আপনি পারিবারিক বাইবেল পাঠের দলে, মণ্ডলীর বাইবেল ক্লাশে, অথবা কোন বাইবেল স্কুলে এই পাঠ্য বিষয়টি ব্যবহার করতে চাইতে পারেন। পাঠের বিষয়বস্তু এবং পাঠের নিয়ম-কানুন, এর যে কোন ক্ষেত্রে ব্যবহারের জন্য উপযোগী করে লেখা হয়েছে।

ছাত্র রিপোর্ট :

আপনি নিজে নিজে, দলীয় ভাবে, কিম্বা ক্লাশে যোগ দিয়ে, যেভাবে পড়েন না কেন, এই পাঠ্য বিষয়টির সাথে ছাত্র রিপোর্টের প্রশ্ন ও উত্তর পত্র পাবেন। পাঠ্যবই ও ছাত্র রিপোর্টের নির্দেশ অনুযায়ী আপনাকে এগুলি পূরণ করতে হবে। প্রতিটি ছাত্র রিপোর্ট পূর্ণ করে সংশোধন ও মতামতের জন্য শিক্ষকের কাছে পাঠিয়ে দেবেন।

প্রত্যায়ন পত্র (সার্টিফিকেট) :

সফলতার সাথে এই কোর্সটি শেষ করার পর শিক্ষক কর্তৃক আপনার ছাত্র রিপোর্টগুলির উপযুক্ত মান নির্ণয়ের ভিত্তিতে আপনাকে একটি প্রত্যায়ন পত্র বা সার্টিফিকেট দেওয়া হবে।

লেখকের পরিচয় :

চিলি দেশের ভেলডিভিয়া নগরে জন্ম গ্রহণ করেন এ বইয়ের লেখক জোস্, আর, সিলভা ডেলগেডো। তিনি প্রায় পচিশ বছর ধরে মণ্ডলীতে পরিচর্যাকারীর কাজ করছেন। তিনি বর্তমানে তার জন্ম স্থান চিলির ভেলডিভিয়ান পালকীয় কাজ করছেন। চিলি দেশের রিও

বুনো, লা ইউনিয়ন, লাপামিলা এবং লা লিউগা প্রভৃতি বিভিন্ন জায়গায় অনেক বছর তিনি পালকের কাজ করেছেন।

পালকের কাজ করার সময় তিনি একই সাথে মাণ্ডলীক সংগঠনের নেতৃত্বের দায়িত্ব ও অন্যান্য দায়িত্ব পালন করেছেন। তিনি একটি বাইবেল স্কুলেও প্রফেসরের দায়িত্বে ছিলেন।

বর্তমানে তিনি ভেলভিভিয়ায় পালকের কাজ ছাড়াও ফ্লোরিডার মিয়ামিতে অবস্থিত এডিটোরিয়েল ভিডাতে লেখক ও অনুবাদকের কাজ করেছেন। তাঁর স্ত্রীর নাম সিসিলিয়া মেনসিলা রিওস। তাদের মোট ছয়টি সন্তান সন্ততী রয়েছে।

আপনার শিক্ষক :

যেকোন ভাবে সাহায্য করতে পারলেই আপনার শিক্ষক সুখী হবেন। পাঠ্য বিষয়ে অথবা ছাত্র রিপোর্ট সম্পর্কে কোন প্রশ্ন থাকলে তাকে অবশ্যই জিজ্ঞাসা করবেন। যদি কয়েকজন একসাথে এ পাঠ্যক্রমটি পড়তে চান তাহলে তাকে অনুরোধ করুন যেন, দলগতভাবে পড়বার জন্য তিনি বিশেষ বন্দোবস্ত করেন।

ঈশ্বর আপনাকে আশীর্বাদ করুন। প্রার্থনা করি যেন এই পাঠ্য-বিষয়টি আপনার জীবনকে ও পরিচর্যা কাজকে সামনের দিকে এগিয়ে নিয়ে যায় এবং আরও ভালভাবে কাজ করতে সাহায্য করে।